

07/01/1997

Projek tambak tidak babit penduduk

KUALA TERENGGANU, Isnin - Projek menambak tebing Sungai Terengganu tidak akan membabitkan perpindahan 250 keluarga penduduk di sekitar jalan bandar di sini.

Setiausaha MPKT, Mazlan Ngah, berkata kajian projek itu sedang dilakukan oleh Unit Perancang Ekonomi Negeri (UPEN) dan akan dilaksanakan sebaik saja ia selesai.

Menurutnya, siasatan yang dijalankan mendapati kebanyakan penduduk adalah pemilik tanah sejak berpuluh tahun lalu.

Katanya, ketika diminta mengulas kenyataan Perdana Menteri Datuk Sri Dr Mahathir Mohamad, yang mengarahkan Kerajaan Negeri menggubal undang-undang melarang penempatan di pinggir sungai bagi mengelak tragedi buruk.

Mazlan berkata, Kementerian Perumahan dan Kerajaan Tempatan sudah meluluskan RM1.5 juta kepada MPKT untuk menambak serta menghias tebing sungai Terengganu itu.

Bagaimanapun, katanya, penduduk yang membina rumah di tebing Sungai Terengganu terutama di Kampung Balik Bukit dikehendaki berpindah ke kawasan yang disediakan.

"Kebanyakan penduduk di Balik Bukit sudah memiliki rumah di tempat lain tetapi masih menjalankan perniagaan di kawasan itu," katanya.

Mazlan berkata, MPKT juga meluluskan peruntukan RM600,000 untuk menambah 24 unit ruang niaga di bawah Jambatan Sultan Mahmud, dekat sini.

(END)